

sequens est ut alium errorem qui pene similis est huic incipiam tibi destruere et hic est error: qui impositus fuit a quibusdam vni et precipuis doctoribus christianorum et iste fuit et sapientibus theologis grecorum et vocatus fuit origenes. Apparebit autem tibi ipsum nullatenus istud hoc sententia et assertionem dixisse non solum ex verbis eius sed etiam ex incredulitate et impossibilitate erroris quo quattuor tate sapientie et eruditiones inuolui pertinaciter finaliterque non potuit. Error autem hic est videlicet quod tota humana natura resoluetur in nihilum quantum ad corpora quam glorificationis animabus usus corporum non erit necessarius secundum hunc errorem quoniam potius onerosus et cum secundum opinionem omnium retro philosophantium corpora non sint animabus humanis data nisi ut sanctificentur et perficiantur in eis perfectionibus quibus preparantur ad felicitatem eternam. Digne fiant eadem ad quam et propter quam solam creature sunt. quare expleto isto ministerio et obtenta ista utilitate per ipsa cessabit et esse earum tanquam vltimus inutile et superuacuum sed et obtenta felicitate et gloria animarum quod remanebit in animabus nostris naturalis mutabilitas separabilitas a gloria huiusmodi tanquam eis aduenticia et accidentia fiet immutatio in animabus nec peccabunt desiderantes incorporari propter cuiusmodi peccatum expiandum et sanctificationem animarum perficienda erit usus corporum necessarius quapropter fiet regeneratio corporum humanorum donec iterum preparate et sanctificate anime nostre obtineant denuo felicitatem predictam a qua iterum cadentibus restituantur iterum corpora et hoc non habeat in eternum. Impossibilitas igitur istius erroris primum apparet ex eo quod in eo dicitur quia usus corporum non erit necessarius glorificationis animabus. hoc enim manifestum est esse falsum. In primis quam nec perfectam possibile est esse gloriam animarum seorsum a corporibus quoniam vires quarum operationes sunt per corpus remanent quasi extincte naturalis autem molestia animarum nostrarum quam patiuntur ab impediementis huiusmodi virium certissimum iudicium est partem perfectionis et felicitatis earum esse perfectionem virium huiusmodi.

Amplius. quid est aliud dicere animam beatam vel glorificatam esse amisso usu sensuum et aliarum virium quibus operatur per

corpus quam hominem plene beatum gloriosum esse cecum surdum et mutum aliisque huiusmodi operationibus corporalibus omnino ineptum. Ne attendas autem mendacis et deliramentis quorundam qui negant animas humanas videre audire et ceteras operationes que per corpus sunt exercere. sed hominem iuxta verbum Aristotelis dicunt huiusmodi operationes exercere in anima. Cum manifestum sit operationes que per instrumentum fuerint sibi proprie ab ipso qui utitur instrumentis et ipsum proprie operationes huiusmodi operari. Cum igitur et corpus ipsum humanum totaliter instrumentum sit anime humane et membra singula similiter necesse est ipsas operari operationes que per ea fiunt et eiusdem esse proprias proprieque de eadem dici. Videre igitur et audire proprie operationes sunt animarum cuius autem actus eiusdemque potentia quare visus et auditus et cetera homini que vires sunt potentie animarum humanarum. Quapropter et opposita earum videlicet cecitas et surditas et cetera privationes huiusmodi opposita enim semper et maxime privatio et habitus et circa idem naturaliter. Manifestum autem est hoc in privatione et habitu. De hoc vero quod dixisse dicis quia corpora humana non sunt necessaria glorificationis animabus et propter hoc cessabit eorum esse omnino. Manifestum est quod non sunt necessaria ad esse earum et adiutiva sunt et impediuntia multum ad complementum bene esse earum est enim non nulla pars bene esse earum gloria virium predictarum quam scire te faciam in sequentibus. Amplius. si delectationes corporales extinguunt in animabus humanis omne desiderium delectationum spiritualium quanto fortius delectationes felicitatis eterne que incomparabiliter maiores sunt extinguunt in animabus nostris omne desiderium delectationum corporalium. Quare et desiderium in incorporandi cum huiusmodi desiderium non sit nisi propter delectationes corporales. Nihil enim habet desiderabile anime humane pro statu presentis vite nisi delectationes huiusmodi. Cetera enim quecumque corpora sunt in ista miseria molesta et onerosa sunt animabus. Amplius. Amor eternorum ac celestium gaudiorum animas humanas fasciare facit et debilitationes corporales et quod plus est pugnare contra eas